

LETTRES

PATENTES DV ROY

HENRY QUATRIESME,

en forme de Commission, pour l'execu-

tion des Edits Royaux & Arrests de la

Cour de Parlement de Paris, Concer-

nans les Priuileges, franchises libertez

& seureté de la nauigation de la

Riuiere de Loire, & autres

fleuues descendans

en icelle.



A ORLEANS;

Chez la Vefue GILLES HOTOT,

Imprimeur ordinaire du Roy.

1643.

THE NEWBERRY
LIBRARY



EN R Y par la grace de
 Dieu Roy de France & de
 Nauarre. Au premier de
 nos Huissiers ou Sergens
 sur ce requis, SALVT. Comme nôtre
 amé & feal Procureur general & les
 Marchands frequentans la riuere de
 Loire & autres flues descendans en
 icelle, ayans obtenu de nous & denos
 predecesseurs Roys plusieurs beaux
 Priuileges, Edits, & Lettres patentes
 du Roy Louis xij. de bõne memoire,
 données à Paris le 16. Iuillet 1498. &
 25. May 1505. Autres Lettres des feuz
 nos tres-honorez Seignrs ayeuls pere
 & Freres les Roys, François, Henry,
 François & Charles derniers decedez
 que Dieu absolue, de 29. Mars 1514.
 12. Fevrier 1553. 29. Decembre 1559.

& 14. Decembre 1560. par nous confirmée le 28. Avril 1594. par lesquelles Lettres confirmatiues d'autres precedentes, nosdits predecesseurs Roys & nous, ayans entre autre chose pour le reglement des Ports, Peages, & passages entretenement & liberté du commerce de la nauigation desdites riuieres, voulu & ordonné que toutes pescheries, nassieres, ecluzes, moulins, combres, fonds, peaux, & autres choses empeschans le cours desdites riuieres, passages bateaux chalans iusques à dix-huict pieds de large, sur les bords, & chantiers au long desdites riuieres, afin qu'on puisse seurement haller & conduire les bateaux de marchandises, & lesdits chemins anciennement appelez heulserées, fussent leuez & ostez aux despens de la chose; commande-

ment préalablement faict aux propriétaires & aux Seigneurs des peages chacun en leur destroit & seigneurie, d'oster ou faire cesser lesdits empeschement. Et si pour raison du payement des peages & passages, reglement d'iceux, entretenement & accomplissement des choses dessusdites ou d'aucunes d'icelles circonstances & dépendances s'estoit meu & mouuoit procez entre lesdits supplians, propriétaires ou autres, que la connoissance en appartient à nôtre Cour de Parlement de Paris, à laquelle la juridiction en premiere instance auroit esté attribué priuatiuement à tous autres Iuges, lesquels supplians pour l'entretienement de la liberté en la navigation desdites riuieres, sont contrainct intenter plusieurs procez à l'encontre des contrevenans, aux

choses contenuës par les Lettres & Ordonnances cy-dessus specifiez, au moyen dequoy leur est besoin faire plusieurs commandemens & enjoctions d'obeir à icelles Lettres, information contre les exacteurs & delinquans, adjournemens & renuois de cause en ladite Cour de Parlement à l'encontre des contreuenans, la plus grand part desquels sont seignrs des Peages, ayant ou pretendans chacun d'eux respectiuemēt justice en leurs terres; & cette cause eux ou leurs Iuges ou Officiers empeschans l'execution desdits Mandemens, sans que premierement soit demandé *pareatis* par les Sergents executeurs, lesquels veulent aussi faire difficulté d'exercer icelles Lettres & Mandemens hors le ressort de nôtre dite Cour de Parlement de Paris, encores que

icelles Lettres ou aucunes d'icelles
 ayent esté publiées & verifiées en
 nos Cours de Parlement de Dijon &
 Nantes, qui sont Provinces où les-
 dites Riuieres ou aucunes d'icelles
 ont leur cours, & esquelles s'offre
 souvent occasion de mettre à execu-
 tion lesdits Mendemens & Commis-
 sions; Arrests & iugemens de nôtre
 Cour de Parlement de Paris sur ce
 interuenus, qui demeurerent à exe-
 cuter à raison desdits empeschemens,
 humblement requerant nos Lettres
 de prouision à ce conuenables.

NOUS A VOS CAUSES, te
 mandons & commandons par ces
 presentes, qu'a la requeste desdits
 exposant tu mette les Lettres paten-
 tes cy dessus spécifiées & autres qui
 en despèdent, & qui seront cy apres
 données en consequence d'icelles,

Arrests & iugemens de nostre dite Cour
 de Parlement ja interuenus ou qui
 interuiendront cy apres, à deuë &
 entiere execution, selon leur forme
 teneur, en faisant tous exploits de
 commandemens, executions, ven-
 tes de biens meubles, adiournemens,
 & renuois des causes meues & mou-
 uoir, contestées ou non contestées,
 à ce necessaires: Faisans defences à
 tous Iuges d'en prendre ne receuoir la
 connoissance, & aux parties de pro-
 ceder ailleurs qu'en nostre dite Cour
 de Parlement à Paris: le tout à peine
 de nullité d'amende, despens, dom-
 mages, & interests, & meisme faire
 commandement à tous qu'il appar-
 tiendra, de toutes escluses, pesche-
 ries, moulins, nassieres, fonds, &
 & autres choses empeschans la navi-
 gatiō desdites Riuieres, & ce qui sera

aussi trouué sur les bords & chantiers
 d'icelles : leur faisant aussi comman-
 dement de faire les chemins & haul-
 serées à la raison de dix-huict pieds
 de large, afin qu'on puisse seurement
 & librement aller & conduire les bar-
 reaux & marchādises par lesdits che-
 mins anciennement appelez hautse-
 rées, & à ce faire souffrir & obeir à
 l'entretènement des choses portées
 par lesdites Lettres, suivant lesquelles
 faire aussi defences à tous Seigneurs
 de Peages sur lesdites riuieres, de
 leuer lesdits Peages ne autres pour
 cet effet, ne tenir aucun Bureau ou
 Chābre pour receuoir & faire payer
 lesdits Peages, ailleurs qu'és lieux
 qui ont droit d'iceux Peages, ou
 anciennement la leuée a esté in-
 stituée, destinée, & establie, &
 d'auoir & tenir bons & loyaux pa-

piers & registres de ce qu'ils prendront & feront payer aux Marchands & voicturiers, & d'auoir & planter Posteaux en lieux apparans & emiments, dans lesquels y aura vn Tableau contenant la Pancarte & droict dudit Peage, & de bailler acquiet au dessus de cinq sols de leurs mains, sans pour ce en prendre ou faire payer aucune chose pour ledit acquiet : & s'ils le veulent auoir de Notaire, sera au despens de celuy qui le requera. Et à toutes ces fins, suivant lesdits Edits, Arrests, & Reglemens de nôtre dite Cour, voulôs y estre contraincts tous ceux qu'il appartiendra, de quelque Prouince & Iurisdiction qu'ils soient, par toutes voyes & manieres deuës & raisonnables, sans pour ce demander congé assistance, placer, visa ne pareatis,

ores ne pour le temps à venir, en
aucune maniere que ce soit. CAR
tel est nôtre plaisir, nonobstant
quelconques ordonnances, restrin-
ctions, modifications, & lettres à ce
contraires. Et pource que de ces pre-
sentes que voulons seruir & valoir &
estre valables à tousiours, sans qu'on
puisse contre icelles s'ayder de sura-
nations, l'on pourra auoir affaire en
plusieurs & diuers lieux, Nous vou-
lons qu'au vidimus d'icelles fait sous
seel Royal, foy soit adjoutée comme
au present original. Donné à S. Ger-
main en Laye, le 10. iour de Decem-
bre, l'an de grace 1598. Et de nôtre
regne le dixiesme.
Signé HENRY. Et au dessous, par le
Roy, Ruzé: Et scellées en cire iaune
du grand seel Royal, sur simple
queuë.



OVIS, PAR
LA GRACE DE
DIEU, ROY DE
FRANCE ET DE
NAVARRÉ:

A nos amez & feaux
Conseillers les gens

tenans nostre Cour
de Parlement à Paris, SALVT. Les Mar-
chands frequentans la riuere de Loire &
autres fleuves descendans en icelle, nous
ont fait humblement remonstrer que
ayāt obtenu des Rois nos predecesseurs
(mesmes du feu Roy Henry le Grand
nostre tres honoré Seigneur & Pere que
Dieu absolue, plusieurs beaux priuile-
ges, Edicts & Lettres patentes données à
Paris le 16. Iuillet 1598. & 25. May 1605.
29. Mars 1514. 12. Février 1553. & 9. De-
cembre 1559. 14. dudit mois 1560. & 28.

Auril 1594. & autres Lettres cy-dessus,
dattées de nostre dit tres-honoré Sei-
gneur & Pere le feu Roy, confirmatiues
des precedentes, lesquels Marchands crai-
gnās d'estre troublez ou empeschez s'ils
n'ont nos Lettres à ce necessaires.

A CES CAUSES, Del'aduis de la
Reyne Regente nostre tres-honorée
Dame & Mere, & de nostre grace spe-
cialle, pleine puissāce & autorité Royal
par ces presentes, signées de nostre
main; voulons & nous plaist que les-
dits Marchands iouissent des mesmes
priuileges & exemptions dont ils ont
bien & deuement iouy & vsé, iouyssent
& vsent encores de present, & entant
que besoin est ou seroit, nous leur a-
uons confirmé & confirmons lesdits
droicts dont il ont cy-deuant iouy &
vsé, ainsi qu'il appert par les pieces cy-
attachées sous le contreseel de nostre
Chancellerie: vous mandons que les ayez
à faire iouir du contenu en icelles plei-
nement & paisiblement, sans qu'il leur
soit fait, ou donné aucun empesche-
ment en aucune façon & maniere que ce

soit; Car tel est nostre plaisir.

Donné à Paris le vnziesme iour de Mars, l'an de grace mil six cens vnze. Et de nostre regne le premier.

Signé, LOVIS. Et plus bas est escript, Par le Roy, la Reine Regente sa Mere presente, P O T I E R. Et scellée du grand sceau de cire iaulne, sur simple queue.

Collation faicte aux Originaux par moy Notaire du Roy nostre Sire au Chastellet d'Orleans, & Greffier de la Communauté desdits Marchands, ce vingthuiictiesme iour d'Auril, mil six cens

soit, Car il est nostre
Donné à Paris le vintiesme jour de
Mars, l'an de grace mil six cens vint. Et
de nostre regne le premier.
Signé, LOUIS. Et plus bas est es-
cript, Par le Roy, la Reine Regnans
Messieurs, P. O. T. R. Et scellé
du grand sceau de cire blanche, sur simple
drapeau.

Collation faite aux Originaux par
nos Notaires du Roy nostre sire au Cha-
stellier d'Orléans & Greffier de la Cour
minant de plus Marchand, ce vingt
huitiesme jour d'Avril, mil six cens



